

## LA BIONDINA IN GONDOETA

La biondina in gondoeta  
l'altra sera gò menà;  
dal piaser la povareta  
la s'à in boto indormensà.  
La dormiva su sto brasso,  
mi ogni tanto la svegiava,  
e la barca che ninava,  
la tornava a indormensar.

Contemplando fisso, fisso  
e fatesse del mio ben,  
quel museto cussì lisso,  
quela boca e quel bel sen!  
Mi sentivo dentro al pèto,  
una smania, un missiamento,  
una specie de tormento  
che no so come spiegar!

M'ò stufà, oh finalmente,  
de sto tanto so dormir,  
e gò fato da insolente,  
no m'ò vudo da pentìr!  
Perché, oddio, che bee cose  
ghe go dito e ghe go fato.  
No, mai più tanto beato  
ai me zorni no so stà.